



**KENYATAAN MEDIA
YANG BERHORMAT PUAN CHONG ENG
EXCO PEMBANGUNAN SOSIAL DAN
HAL EHWAL BUKAN ISLAM**

**“GARIS PANDUAN PERINTAH KAWALAN PERGERAKAN
BERSYARAT (PKPB) BAGI AKTIVITI KEAGAMAAN RUMAH
IBADAT BUKAN ISLAM DI NEGERI PULAU PINANG”**

TARIKH: 10 NOVEMBER 2020

Selaras dengan pengumuman yang dikeluarkan oleh Majlis Keselamatan Negara mengenai SOP Perintah Kawalan Pergerakan Bersyarat (PKPB) bagi negeri-negeri yang terlibat pada 8 November 2020. Aktiviti keagamaan di Rumah Ibadat Bukan Islam adalah dibenarkan mengikut had kehadiran yang ditetapkan oleh MKN/KKM/Kerajaan Negeri dan Kementerian Wilayah Persekutuan bagi rumah ibadat di Wilayah Persekutuan.

Sehubungan dengan itu, Kerajaan Negeri Pulau Pinang telah menetapkan garis panduan lanjut dan lebih terperinci seperti ketetapan berikut:

- 1) Beroperasi dengan had maksima 30 orang tertakluk kepada keluasan ruang rumah ibadat dengan penjarakan fizikal 1-meter wajib dipatuhi.
- 2) Waktu beroperasi rumah ibadat adalah antara 7.00 pagi hingga 10.00 malam.
- 3) Hanya aktiviti sembahyang dibenarkan di rumah ibadat. Aktiviti berjadual seperti kelas keagamaan dan kebudayaan tidak dibenarkan sepanjang tempoh PKPB ini.
- 4) *Dine-in* dan perhimpunan yang ramai dan sukar dikawal adalah tidak dibenarkan.

- 5) Penganut perlu terus bersurai selepas aktiviti sembahyang dan dilarang berkumpul di kawasan rumah ibadat.
- 6) SOP am seperti berikut harus sentiasa dipatuhi:
 - i. Penjarakan fizikal 1 meter,
 - ii. Penyediaan log pendaftaran penganut,
 - iii. Pemeriksaan suhu badan,
 - iv. Pemakaian pelitup muka,
 - v. Pembersihan tangan menggunakan sabun atau *hand sanitizer*, dan
 - vi. Pembersihan & disinfeksi rumah ibadat secara berkala.

Bagi Perayaan Deepavali yang bakal disambut oleh penganut Hindu pada 13-15 November 2020, garis panduan yang ditetapkan adalah seperti berikut:

- 1) Penganut Hindu dibenarkan untuk mengadakan upacara sembahyang pada hari pertama (14hb November 2020) bermula 5.00 pagi sehingga 10.00 malam.
- 2) Bagi sesi upacara sembahyang pada 13hb dan 15hb November 2020, waktu operasi adalah seperti biasa, iaitu bermula dari 7.00 pagi sehingga 10.00 malam.
- 3) Beroperasi dengan had maksima 30 orang tertakluk kepada keluasan ruang rumah ibadat dengan penjarakan fizikal 1 meter wajib dipatuhi.
- 4) Upacara sembahyang hendaklah mematuhi SOP Perintah Kawalan Pergerakan Bersyarat (PKPB) bagi Aktiviti Keagamaan Rumah Ibadat Bukan Islam di Negeri Pulau Pinang seperti yang dinyatakan di atas.

Ahli Jawatankuasa Rumah Ibadat, ketua agama dan penganut dinasihatkan untuk sentiasa mengamalkan kebiasaan baharu dan disiplin sendiri. Setiap rumah ibadat adalah bertanggungjawab dalam menilai dan mengurangkan risiko agar para penganut dapat beribadat dengan selamat. Sama-sama kita membantu memutuskan rantai penularan pandemik COVID-19. Kita mampu menang, Penang Lawan COVID-19.

Terima Kasih.